

四庫全書

史部

欽定四庫全書

欽定皇輿西域圖志卷首三目錄

天章三

元旦試筆

降旨免陝甘兩省正供並積欠詩以紀事

新正瀛臺小宴御前藩王大臣及漢咱吧爾

故大學士黃廷桂輓辭

降旨加賑甘省被災州縣詩以紀事

有序

述懷

賜將軍兆惠書扇

賜副將軍富德書扇

軍書

元正太和殿朝會庸作歌

降旨免辛巳年正供詩以紀事

邇日

御午門受俘馘

瀛臺曲宴外藩

新正恭奉

皇太后幸圓明園即事

上元前二日萬壽山賜親藩及諸回部宴詩以紀事

上元夕恭奉

皇太后觀燈火

燕九日作

太液池泛舟即事

恭謁

孝陵

恭謁

景陵

二月廿一日恭謁

泰陵啟蹕疊乙亥韻紀事

將軍兆惠富德差乾清門侍衛來請安詩以賜之

恭謁

泰陵

二月廿七日郊勞出征將軍兆惠富德及諸將士禮
成紀事

三月朔日御殿定邊將軍兆惠副將軍富德等率成
功諸將士朝謁詩以紀事

上巳日凱宴成功諸將士

有序

射八韻

駐防葉爾羌大臣阿里充等奏報諸回城於三月下

旬得雨詩以誌慰

有序

八月十八日恭奉

皇太后木蘭行圍啟蹕之作

九月朔日作

塞宴四事

木蘭迴蹕至避暑山莊作

射

萬樹園賜宴即席得句

萬樹園觀燈火

奔藏西師俘獲軍器於紫光閣詩以誌事

有序

武成殿作

尊藏得勝

靈壽縣於紫光閣詩以紀事

有序

紫光閣寫功臣像及諸戰圖畢集讌落成爰賦六韻

仍疊四章

有序

紫光閣曲宴外藩並回部詩以誌事

戰圖補詠

有序

欽定皇輿西域圖志卷首三日錄

欽定四庫全書

欽定皇輿西域圖志卷首三

天章三

元旦試筆

祥啟屠維冒節駢青陽一律遍三千歲開

天紀欣迎祚月建王正勵體乾磐管韶英宣太族衣冠鴛

鷺廁于闐

時賜漢咱吧爾公品級冠服

諸軍昨報平安信實沐

恩禧意倍虔

將軍兆惠等與賊回相持昨據舒赫德奏報降回至阿克蘇者言我軍中有一厄魯特逃

欽定四庫全書

出至回軍稱我營內掘地得回人埋糧百餘窖且布魯
特又侵彼喀什噶爾城以此兩和卓木欲議和而我將
軍不允此際舒赫德已領兵進援計
日可到餘糧之獲實賴天佑也

爆竹千門達曙鳴
鞠陵初旭耀晨明
土爰稼穡資豐稔
木盛春陽肇發生
南北東西共文軌
京垓億兆願康平

金川耆定溯前已

平定金川乃已年今歲又逢已實幸理紀之符願遂武成之慶

佇叶

貞符聽凱聲

降旨免陝甘兩省正供並積欠詩以紀事

西海有征師卒未得息事屈指軍興來屆今凡四歲準

夷則蕩平逆回尚稽繫國威屬觀瞻欲罷馬能置厚集
我軍容益勵我士志乘春期一舉永靖遐荒謚叶肅涼
近接邊輓運最勞勩連年免正供預豁庚辰逮復思陝
連甘豈無所波及叶體察將並寬降旨付連帥其餘雜
欠項概免大施惠肯因討小醜而傷我元氣申命良有
司推行俾均被

新正瀛臺小宴御前藩王大臣及漢咱吧爾

運斗屠維單闕迴順時行慶合瀛臺千羣尚可冰嬉試

三接都教春宴陪屏翰何妨廁蔥嶺歡娛齊說到雲來

鵲場晴靄因觀射

是日發十五矢中十三蓋外夷雖宜宴賚厚惠尤當示之以射獵之事彼

更樂亦畏服

示遠寧徒好樂哉

故大學士黃廷桂輓辭

華銓廣樂正陳時扼腕驚聞辰尾騎

慈慶朝儀難並輟強酬節物淚雙垂

屈指軍興逮五年儲胥事事合機先

凡軍需事宜有經朕先時規畫而傳

諭批示甘肅尚未奉到者及郵牘至無不適相脗合

亶維良弼蒼生福痛惜推心

敢問

天

馬利軍行粟賑民彌留兩事尚諄諄

遺疏內深以調餉馬匹及地方賑卹

諸務籌辦未竟為憾覽奏盡傷不忍終幅

鞠躬盡瘁今誠已葛亮而來此一

人

運籌力疾尚勞心驛館誰為下鵲鍼

時以督辦軍需赴涼州雖抱疴日劇

猶勉力視事邊地素少良醫經布政使蔣炳奏聞即命福隆安挈御醫前往診治甫行而惡耗遽至可勝慟悼
賜賻行將歸故里椒漿寫痛定親臨

封疆歷三十餘年公正廉明衆共傳

皇考時臣所餘幾鼻酸然復思愀然

降旨加賑甘省被災州縣詩以紀事

有序

甘涼為西陲轉饟孔道土瘠而風醇其民受直執公
旬惟謹給復蠲逋之詔歲既數下其偏隅以薄禋告
者廩餼優卹訖於夏五顧念時未登秋節方屆閏心
有慙焉申命貸之牛種仍予展賑三月庶幾綏我蒼
赤資彼青黃即事攄懷以當咨牧

涼肅窮邊未鮮逢溫飽家何當運餉苦更抱被災嗟計
逆非容已思艱詎有涯豁証明歲預繼賑到秋賒不窘
寧無窘雖加可再加所希歌載戢萬戶樂休嘉

述懷

勤遠非本意乘時賴

天佑予曰有禦侮予曰有奔走準夷永蕩平敢詡武德茂
黃緣討逆回戰勝頻捷奏重賞實未惜神勇亦屢邁逼
巢堅城下強弩致逗遛羽檄繼進軍重圍急援救夾攻

士氣張況當疊破寇肉薄豈不易傷衆予心疚以此令
稍戢齊力圖其後惟是閱時久待秋乃功就枕戈衆効
忠擊鼓五哀聞焦勞分所當萬方均在宥厯彼此詎忘
乾惕惟益懋

賜將軍兆惠書扇

火嶺炎蒸劇將軍未解鞍國威揚萬里臣節率三單贈
獎赤心篤持同白羽看黃香思漫引存問悉平安

兆惠
母年

高時遣
人存問

賜副將軍富德書扇

師進和闐路擣虛事夾攻恩威僕儻識甘苦伍偏同推解厘予念馳驅勵汝忠策頭題句贈回部播英風

軍書

軍書清曉到兩回城已定

葉爾羌喀什噶爾兩大城其兩城所屬小城更以十數計

皆已傳檄而定賦役及建置惟將軍所令

將軍兆惠等既收撫回中諸城請酌定賦

役視噶爾丹策凌時徵取之數分別蠲減有差并定錢制廣園銖兩正面用天朝年號而以城名回字附之于

背其建置官屬自三品至五六品詳系職掌名目則各緣其舊俱降旨如所請行

逋逃雖有挈

捨而來相迎詢以所去方乃無可投境

叶軍中得回人
詳詢逆賊潛

逃踪跡云初議投安集延既懼為布魯特刦掠繼又得
拔達克山伯克回信以往投人眾其地必不能容二箇
不得已暫匿附近之塔益嗎地方或就彼竄入塞爾古
爾土城苟延殘喘計大兵一經圍壓可以立就俘獲矣
邏騎遮其前大軍逐以競此舉或成余載戢載橐詠佳
兵詎得已討逆惟義勝藉眾集大勲盟獨欽

天命

元正太和殿朝會庸作歌

晨參晝食肅朝儀正殿春融赤羽旗考夏綜周原舊典

戛球舞籥迓新禧十年一舉寧為數

正殿朝會雖舊典然率不舉行庚午

以平定金川又朕四旬之慶故一舉行茲西師武成綏服回部拔達克山安集延哈薩克布魯特皆稱臣入貢兼值五旬大慶故命循例宴饗萬國來同倍切寅吏治民生厯宵旰問

方詎止藉斯時

祥花瑞葉玉樓樓慶恰占年景福禔耆定不期徠默克
安和惟是洽羣黎漫陳漢殿魚跳水却聽天方鳳奏西

時將軍兆惠自葉爾羌得回部樂奏送適至因命於大饗所陳之部末肆之其器有大小鼓簫管提琴洋琴之屬其伎有倒刺都盧簪筆誰成元會賦持盈應悉敬彌
及承盥轉磔之屬

躋

降旨免甘省辛巳年正供詩以紀事

邊省民風淳是予亟嘉眷師旅所由經能無勞郡縣連
歲免正供給值酬輸轉遇灾仍賑恤閭閻期惠遍即今
縱武成休養寧當緩叶預免循向例去歲即預免
今歲正供矣初春
頒渙汗惠心勿問吉助陽實政見

通日

武成歌振旅長途歸凱軍汜勝占三白積玉遍塍鱗通

日更有喜次第奏章聞王畿固普被河南北亦均於東
建登萊於西則晉秦江浙及荆襄盈尺報鋪銀深消遺
蝗種淨蠲癘氣氛兵後不易值何修沐

天恩敬勤惟益黽遑敢忽笑嘖休養愜恒願額慶同吾民
御午門受俘馘

函首霍占來月竊傾心素坦欵天閭理官淑問寧須試
驃騎窮追實可臧西海永清武保定午門三御典昭詳
從今更願無斯事休養吾民共樂康

瀛臺曲宴外藩

仙臺曲宴荅韶年舊典惟遵懷懋聯北漠戶庭真密邇

西瀛裘帕許參連

蒙古王公等朝正來者賜以曲宴歲以為常今歲並令回部來使入席且

奏回樂

兜離歌與任傑舞拔達山將安集延近悅遠來寧

易易側身基命益乾乾

新正恭奉

皇太后幸圓明園即事

西山積素喜迎人今歲韶春果是春振旅三軍前後接

朝天使者到來頻

時諸部並遣陪臣入覲安集延使陀克塔嗎特等拔達克山使額穆爾伯

克等已先後與宴而布魯特所遣西拉噶斯等亦即日抵京

逖疏率與光明耀勞徠

猶宜燕衍申略得對時博

慈豫

壽徵福履自駢臻

上元前二日萬壽山賜親藩及諸回部宴詩以紀事

萬壽山光隔歲看初韶行慶駐鳴鑾朱琴儀鳳調伶史
翠釜供羊出大官詩孰蔡襄詠嘉祐節同景德宴蒲端

何期戎索茲開拓敬保金甌永乂安

上元夕恭奉

皇太后觀燈火

樓頭歲歲奉

慈娛今歲

慈娛勝且殊樂聽侏離復僛侏舞看跳劍與都盧明燈忽

綴千珠網翠火全張

萬壽圖所喜

萱階紆念切敢誇蒲海奏功膚

燕九日作

七日燈宵一日餘

自十三日放燈至十九日收燈共七日

樓西婪景醺渠

胥纏頭羣喜瞻天表挺臂何妨挽月虛

是日令肄馬上諸技畢復親率

近侍諸藩較射命矢疊中俾回使觀之蓋外夷所重惟武燈宵百戲彼雖愛觀不至如此驚服也

慶節

發陽原典故騰輝吐燭尚龍魚新年百務咸亨順為

去聲

是矜矜越凜予

太液池泛舟即事

錫宴花門備禮容乘間蓬島泛游龍

舟名

仍攜帕首俾同

樂所喜葵心總致恭春水生來蘭葉細霽烟低處柳條
濃西瀛試問為何若道是奚如天上逢

半月韶光爾許殊冰消滄沅水平湖更逢雨霽祥暉候
可喚仙遊碧海圖理趣鳶飛復魚躍生機白芷與青蒲
對時懷遠胥和順益凜虧盈奉化樞

恭謁

孝陵

隔歲我來東

珠丘敬告功

衣冠天浩渺
松柏歲青葱
凡此封疆拓
永維庇蔭蒙
蓋臣皆努力
幸與創時同

恭謁

景陵

西域已班師

東陵展祀宜
闢疆二萬里
秦績五年期

金匱要略卷之三
默默深叨佑悽悽更益悲敢云成

祖志

祖志注今斯

二月廿一日恭謁

秦陵啟蹕壘乙亥韻紀事

東歸既歲

祀西來緣上

陵啟蹕壘舊韻往事迴憶生

舊作有命師奠西極有
事告 二陵之句

逆者

畢掃穴順者胥來庭展謁叩

默佑首頓駐翠旌拓疆萬餘里告功五易星郊勞循

祖典即看舉回程

將以二十六日

告功禮成旋蹕黃

新莊時將軍參贊大臣凱旋至郊即於

翌辰詣良鄉縣南迎勞其築壇張幄列

燄拜

天諸臣以次行禮覲詣一遵

祖制

將軍兆惠富德差乾清門侍衛來請安詩以賜之

數年萬里未為遙遙在將逢隔五朝却為勞儀待旋蹕

時將軍等凱旋近郊擬以二十七日上

陵回程具儀迎勞

如三秋念轉無聊

恭謁

秦陵

質明峯樹辨

陵園趨謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷
九天默佑恩二十五年如一瞬

鼎湖迴憶痛難言

二月廿七日郊勞出征將軍兆惠富德及諸將士禮

成紀事

京縣郊南親勞軍

園壇陳

肅謝成勲出師本意聊嘗試

西陲之役始於厄魯特諸台吉率衆款附請兵甚力

我喀爾喀牧圍勢不可以錯處滋患無寧及其鋒而偏師嘗試特計因其地以撫之故 禡旗命將之典概未舉行謹具乙亥告成碑記茲準夷既平而回中諸部以次戡定實荷 上蒼 宗社鴻庥非敢謂先時逆

睹及此也 奏凱今朝備禮文釋甲弢戈罷征伐論功行賞策

忠勤膝前抱見詢經歷

國朝舊制凡出征將領成功還者行抱膝跪見禮以示優異今

即遵一瞬五年戚以欣行

同心萬里那睽違畢竟歡言賦采薇勇將歸來兼福將
黻衣著得解戎衣漫稱偃武修文日恐即嬉文恬武機
飲至寧誇暢和樂持盈益勵慎幾微

三月朔日御殿定邊將軍兆惠副將軍富德等率成
功諸將士朝謁詩以紀事

黃麾簇仗正衙排奏凱來朝樂孔皆脫劍釋冰搖玉珮
卷班按隊叩金階幸逢耆定干戈戢况值熙和風日佳

范士燮言予敢忘惴矜保泰是長懷

上巳日凱宴成功諸將士

有序

筵開飲至剛逢祓飲之辰苑啟瀛臺恰奏濛瀛之績
於時上公晉躡青郊解甲初還蕃長敷茵黃幄纏頭
列侍宮懸陳百部將回中樂府齊登錫爵徧三巡以
閣上圖形為次詎因詡挾纊投醪之惠期得抒推心
造膝之忱且食刀闌壁偕來包匭宜酬其効順而紫
綺朱提並賚簽名合第彼成勞從茲凱宴遐宣足使

天堂知樂是用寅承永切毋忘月朏依光非矜七德
升歌爰藉八章紀實

出勞嘉勲藏禮旋昇平凱宴液池壩闢疆掃逆誠資衆
助順成功總賴

天策績林林恩予厚詢勞一一命來前寧惟云不重生望
祇覺迴思越悚然

日麗風和春未深獎庸備禮有壬林試看偃伯靈臺上
詎數流觴曲水潯命預綺筵排伯克也陳夷樂奏任禁

笑聆蜀伎無情者那覺西悲動乃心

圓幕高張榆柳垂犒筵喜值楔修時策勲舍爵竟今日

鬯武書常允不期誰擬浯溪泐崖頌我歌靈夏出車詩

紫光將畫凌烟像

西師歲成大功自元臣及在事將軍
參贊禁衛統領諸臣第其勲績懋著

者命工圖形紫光閣以崇獎勸穆棣同叨

乾 貺 貽

成功將士錦衣旋日月光輝軍氣蠲藉我虎臣典宿衛

笑他杯酒解兵權

將軍兆惠副將軍富德既以酬庸晉
爵均命為御前領侍衛大臣宋藝祖

權術駕馭風所
鄙故戲及之

八旗子弟心如石萬禩國朝龍荷

天宣看瘡癥猶未愈

三等侍衛綽克圖巴圖魯恩特驍勇過人臨陣不避鋒鏑今預宴賜酒時

撫其額傷猶未痊復為之惻然

能無一體痼瘕連

柳舒花放正良辰上日前期福履申

三月三日為上巳然是日始戊申故

云卸甲韞弓盡鳧藻四晴豐額集魚鱗千秋難遇太平

宴百戰歸來義勇身獨憶諸胥宣力者

故大學士黃廷桂綜理軍儲調

遣諸務備殫忠勤未及武成濫焉先逝故前賜詩有牽我賢臣何太劇不教留看凱歌迴之句凱迴未

見惜斯人

敦瓜烝栗允堪憐二萬何期竟拓邊遠愧周王興六月
遲過殷帝克三年依楊霏雪凡經幾立幟登弧盡陷堅
此日征夫真邇止皇州春滿七條絃

拔達山人獻馘歸三軍飲至藹晴暉勞心幸我紓宵旰
公道憑伊論是非紫綺朱提頒渥澤前歌後舞逐鴻機
歡來憶不同來者

軍興以來我大臣將弁等咸以蓋忱
自奮其間有遇阿逆之叛如將軍公

班第參贊伯鄂容安遇噶爾藏多爾濟等之叛如寧夏
將軍和起而追色楞之逃者如副都統唐喀祿誤聽沙
拉斯嗎唬斯之詐者如都統滿福至遇回首和卓木之
叛如副都統阿敏道前鋒統領鄂實副都統三格侍衛

特通額總兵高天喜而奉命在途猝遇亂賊如將軍伯
那木扎爾參贊侍郎三泰其巴圖魯侍衛中之奇徹布
巴寧阿寧古禮富錫爾瑞綽爾圖等並能以死勤事東
節捐軀雖加恩優予旌卹而當功成飲至時迴念義烈
炳然尤不勝雪涕云 勞爵手持淚暗揮

芳節延禧淑氣清禊歌聲是凱歌聲元戎允合躬承袞
勇校均教手賜觥藉衆力茲疆地戒勅予心永奉

天行從來悟得受招理虔鞏流謙慎捧盈

射八韻

有序

門啟賢良掄材式資觀德階陳蕃部肆武兼示柔遐

爰循聽政常程庶愜依光夙願耦聯十五子臣之鵠
並張雋獲疊雙齊夏之規胥叶以身先為則詎詡穿
堅北七重俾目擊而存共喜侍長楊百步將告成功
而匪懈益遵

先制以彌勤華林百戲異靡文差不負春園日永壁上
觀同壯志鎮毋忘朔塞風清

勅幾協九經量職授明廷志敢懈耆定治惟求永寧大
蒙胥列侍中國式儀型繁弱月觀魄四侯星寫形髀音

鳴未已鵠影落無停擅巧非誇已綏遐所適丁由來重
弓矢庶以鬯聲靈

赫濯於昭在欽惟

懿訓聽

駐防葉爾羌大臣阿里衮等奏報諸回城於三月下

旬得雨詩以誌慰

有序

諸回城既隸版圖人忻復業駐防大臣循行勸墾插
蒔方興而三月二十一二十二日兩晝夜甘霖大沛

葉爾羌喀什噶爾和闐洋阿雜爾同時霑渥回人忭
舞款告訖為希有阿里袞等以聞回湟古稱艱澤之
鄉比歲復苦逆酋蹂躪茲獲

天仁降鑒槁壤頓蘇視前此師行瀚磧嘉澍應時均深感
荷因欽

鴻貺載紀長言

蔥嶺火州致艱雨一犁

天澤沛今春灌田不藉穿渠力利穡都欣纏首人校尉方

將設戊巳

神農未始禱庚辛遙遙萬里祈年望敢詠休徵益敬寅

八月十八日恭奉

皇太后木蘭行圍啟蹕之作

每歲金秋舉獮苗悠悠旌旆馬蕭蕭承

歡内外都無間繩

武觀揚亦孔昭示法子孫從啟蹕

每歲木蘭行圍諸皇子皇孫畢從俾習勞也

隨園賓客扈來朝

今年蒙古諸賓客以祝萬壽來京者衆即由此扈駕而行

新攜回

部鵑師赤

回部霍集斯等皆令隨圍彼中放雕鵑者謂之鵑師赤如元史稱司鷹者謂之錫保赤之

類高處興安試放雕

雕鵑宜於高處就下放之滿洲蒙古以騎射為重若回部尼魯特則

以此為重云

九月朔日作

秋季惟朔旦塞圍第一場千山斂雲氣萬樹絢晴光廻

嶽鴻絢合深溪魚貫長咸賓逮回部

入覲之都爾伯特親王策凌烏巴什

等向曾預觀塞圍其回部酋長霍集斯伯克霍什克伯克等以賜爵留居京師並屬索鞭從獵則自今歲始云

執役有名王

舊扎薩克王公台吉等率所部蒙古隨圍執役歲以為常

柔遠繩

先切詰戎寓意良寧當懈幾務獵罷閱封章

塞宴四事

詐馬

詐馬為蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人為咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者是亦屬魚魯茲扎薩克於進宴時擇名馬數百列二十里外結束鬣尾去

羈韉馳用幼童皆取其輕捷致遠以鎗聲為節遞施
傳響則衆騎齊騁馬駢駢山谷騰躍爭先不踰晷刻而
達掄其先至者三十六騎優賚有差所以柔遠人講
武事也

名王詐馬存遺風獻筵備陳表敬恭廿里以外列駿驄
置郵傳命聽發蹤宣教施銃星火紅連聲遞令頃刻通
砰磕萬雷忽落空翩若驚鴻逸若龍雲屯颺欹倒呂洪
旁唐閃霍復春容振林駭谷躡昇夢平沙草軟淨塋堦

駢駢束尾綰其髮輕方致速騎以童捷足獨出傑且雄
選三十六惟良駢按第行賞務從豐只孫古俗想像中
和樂還因寓詰戎

什榜

什榜蒙古樂名用以侑食今俗所謂十番或因此楊
萬里詩有金番長笛橫腰鼓一曲春風出塞聲之句
蓋樂曲名番本塞外語而傳偽耳其器則筚管箏琶
絃阮火不思之類將進酒輒於筵前鞞脆奏之鼓喉

而歌蘇羅赴節有太古之遺音焉

平原擇向圓幕張酪酥乳酒湘黃羊名王捧觴起上壽
較漢公卿禮數詳渾撥四火不思曲長朔管如鞭吹鳴
羽發徵氣內運叩角動商響外披初奏君馬黃大海之
水不可量曲首句繼作善哉行無貳無虞式穀友朋誰云
朔漠無古樂絕勝鄭衛為新聲我惟中外一家用聯上
下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是
練習健士謂之布庫蒙古語謂之布克脫帽短襖兩
兩相角以搏踣仆地決勝負勝者勞以卮酒厄魯特
則袒裼而撲雖蹶不釋必控首屈肩至地乃為勝彼
嘉其壯賜之羊臠則拱臂探掬顧盼呿吞聲若飲歡
其舊俗如此因以示惠云

健兒揎袖短後衣席前相撲呈雄嬉捫拖拗拉矜拑
踉蹌踞踟躕且踳乘間伺怠出以奇恣然躡蹶力不支

勝者賜酒踞飲之別有厄魯均新附其撲法乃異舊部
露身赤脚惟著袴撇捩踈踈空拳赴失計忽仆伏地據
騰跳翻作康王跨兩肩著地頭倒豎方得謂之決勝負
勝者揚揚意實歡負者反求微覲顏宣傳典屬呼來前
上方肥羊出厨盤長截碩臙如舉山七箸不設俾恣餐
誰識不足君所言快哉大嚼真壯觀豈對屠門空望懸
跪振雙臂攫且搏右哆左喻直下咽倏似長鯨吸百川
意氣自若殊昂軒均令染指果腹便小哉食肥張齊賢

是蓋衛拉衆俗傳示恩獎勇一試旃食罷命前面詢焉
弗茲食者閱十年

據云準噶爾自喇嘛達爾扎構釁以來日就凋敝不得如此飽啖者十年

於茲矣

教駝

教駝攻駒周禮雖載然後世僅知攻駒而不能教駝
蒙古則熟習其法謂之騎額爾敏達驛馬三歲以上
曰達驛額爾敏則未施鞍勒者也每歲扎薩克於所
部驅生馬多羣至宴所散逸原野諸王公子弟雄傑

者執長竿馳繫之加以羈鞬始則怒騁駭趨或狶突
人立嘶齧雷殷馭者騰趨而上控制自如須臾調良
率得名馬

二歲為駒不勝鞍三歲為駘始堪教夏官庾人早失傳
未若朔漠存古調扎薩戲宴必備觀分羣別色陳平原
羶廬賜食較撲罷按轡一覽同名藩名藩子弟皆吉服

上馬執竿好結束

馭生馬者必駘騎逐之禡衣綰帶持
尋丈竿繫革絙其上以為控制繫俗名

套馬
竿

毆來萬錦歛披前光采陸離紛奪目薄言駟者有

鹿期促駕駐兩日塞上行圍倏又迴美土如斯可漫去

遠人爾許况攜來

時回部郡王霍集斯伯克等自京隨駕都爾伯特親王策凌烏巴什等以

入覲扈從秋蒐而哈薩克陪臣都勒特赫勒等亦赴木蘭朝謁既命觀圍並攜至山莊錫宴

從容宴

樂應教預假借清凉得久陪繩

武惠遐綿奕葉山莊嘉兆自

天開

射

射是朝家夙所長承平遊豫那宜忘攜來新附控弦部

駐此

當年避暑莊親御矢弧聊示度數頒幣帛用旌良樹侯疊

中休稱頌

是日發矢二十七中十之九破的者六及易小鵠復連中舊部新蕃暨哈薩克陪臣侍觀

者無不喜
躍稱異 敬仰

前猷敢不覆

萬樹園賜宴即席得句

小陽春旭暖溫暾今日筵開萬樹園屈膝捧觴逮鹽澤

纏頭式禮厠花門

回部郡王霍集斯伯克等及哈薩克陪臣咸預宴

敢云一已

承

先烈或可千秋示後昆坐有鐻鋸如舊僕偏稱兩度沐深

恩

策凌烏巴什等以甲戌夏入覲曾宴
齋於此今入舊扎薩克之列賜坐

萬樹園觀燈火

巖風傍晚淨魚鱗東望錘峯挂壁輪塞即京華林即上
燈原嘉夜月原春千枝蠟鳳燃銀樹百道星虹落玉津
義寓光明輝習爽寧云誇示遠徠人

弄藏西師俘獲軍器於紫光閣詩以誌事

有序

幕庭收絕域運翊風雲臺閣應中台圖兼將相軍儲
森列旗常已炳上方陣獲便蕃仗械胥登武庫甲函
青瑣得自前驅脫胄之時鎗委綠沉出諸後隊伏茲
之會貫矢詎來肅慎應知貳負先僵佩刀疑壓赫連
早識溫禺久釁掃蚩尤之長彗還帶毳纓轟尸逐之
鋒車曾資鉛彈凡此勲銘百戰無須漂杵矜奇方當
績著九功用藉包戈紀實云爾

高閣巍巍表蓋忠弄藏俘獲類從同戢干橐矢肆時夏

奪鎧褰旗藉衆功信可傳神留百世寧稱屈指數三雄

器書名例太常紀

甲冑旗纛之類孰所獲者各書名其上以誌永久

一善吾惟

憶莫窮

武成殿作

紫光閣後殿因額武成名千載丹青貌五年宵旰情被
天恩獨厚資衆力斯誠那更生餘望迴思幸以驚

尊藏得勝

靈纛於紫光閣詩以紀事

有序

金牙威宣載旆燧烽銷洱海德表結旌爰開
高閣以圖形并弄

靈旂為守器原夫一麾臨閩外彌文不侈

禡機七宿炳

壇中壯志初傳鏡鼓方過祁連而壓陣千山風鶴騰聲
更驅疏厲以揮軍百部沙蟲埽跡昔也緬李程刁斗
遜是森羅今焉輝褒鄂弓刀逾其英特彼龍堆邈矣
詎惟銅柱齊標而虎紐纍然合與金符同譜從此電

霜生色匪徒充武庫之儲還將日月承華庶永隸奉
常之掌

麟閣圖形例紫光大師

靈壽縣並尊藏招搖伊古資

神佑功績從今紀太常信是元戎篤忠悃肯忘羣力効
疆場持盈知足懷

乾貺敢復佳兵恃盛彊

紫光閣寫功臣像及諸戰圖畢集讌落成爰賦六韻

仍疊四章

有序

勲標偃伯烟銷濛汜之氛蹟炳圖形雲擁趨陂之勝
時則掄偉績而系贊先教褒鄂傳神逮一善亦臚名
乃屬鄒枚紀實匪詡天經地緯恰符五數之重真逾
漢史唐書能覲百賢之萃且聚米狀山川阨塞壁間
八陣常存而列星占旌纛飛揚磧裏參旂盡埽試按
昇平王會詎惟萬里而遙為思宵旰軍書何幸五年
式集昨者歸而飲至行觴趁上巳良辰茲焉落以慶

成展席繼先庠嘉宴凡在股肱心膂藉國家翊運多才應知竹帛旂常承

天

祖垂庥永靖維億載綏遐有象已被丹青予一人持滿彌

殷長鐫金石

閣就勝朝址

見日下舊聞

圖標昭代勲格慙虞帝羽數過漢

時雲

閣中圖功臣像勲績顯著者五十人朕親製題贊餘命儒臣擬為者又五十人視雲臺二十八將不

啻倍

徒

大造無私佑諸臣實盡勤五年勞突將此日幸休軍有覺

上林表斯干液水漬落成緣戢武錫宴重去聲摛文建置

惟旌績運籌匪詡勲永期紀勞勩寧為去聲賞煙雲保大

天垂貺開遐予敢勤帑原出內庫督未命將軍掄武駐冬

日每科武殿試例于閣下校閱騎射及諸技勇慶成臨沼漬詰戎求

世德

寶訓揭鴻文

恭讀太宗聖祖世宗實錄中
飭武備懲晏安為萬世大法者敬勒石閣中

以昭

群訓

伊犁征不戰五月已成勲將謂業安石誰知事幻雲驅

馳常厘遠壁畫不辭勤最恨庫車轍深虞黑水軍

事均見歷

年詩
轉旋叨

昊緯仍執竟淮濱始末親籌筆其觀勒壁文

經畫西師前後所製詩文

於成功端委運籌次第綜彙刻石壁間示誌實也

衛拉勞

前烈

厄魯特舊謂之四衛拉特

重華與

放勲敢云成不日惟凜望

如雲載先

去聲

傳柑宴允嘉荷戟勤歸春舞干旅洗雨伏波

軍風嬾中和樂冰酥太液漬賡歌鴛鴦侶可以共論文
紫光閣曲宴外藩並回部詩以誌事

值歲外藩入覲顏新增伯克序年班四方來賀誠非易
三接推恩未可刪筐篚兩廂頒等第魚龍百戲鬪斑斕
西師繪壁思羣力敢曰折衝尊俎間

戰圖補詠

有序

西師定功於己卯越七年丙戌戰圖始成因詳詢軍
營征戰形勢以及結構丹青有需時日也夫我將士
出百死一生為國宣力賴以有成而使其泯滅無聞
朕豈忍為哉是以紫光閣既勒有功臣之象而此則
各就血戰之地繪其攻堅斫銳斬將搴旗實蹟以旌
厥勞而表厥勇爾時披露布已有成詠者即書之幘
間其未經點筆者茲特補詠凡六事禮不云乎聽鼓
鼙之聲則思將帥之臣撫是圖也有不啻若彼之感

先是宵旰勤勞雖日神馳於連營列陣之間此則目擊心存竟如指揮諸將士於折衝禦侮之際而痛定之懼予惟益欽

天眷於無窮凜月盈於有永遑敢自詡坐謀伐赫濯而忘兢業哉

鄂壘扎拉圖之戰

丙子冬將軍兆惠聞準噶爾宰桑等煽亂自濟爾哈朗移兵甫至鄂壘扎拉圖突遇達什策凌等賊衆無

算因乘其不備夜出衝殺殲千餘人爾時噶爾藏多
爾濟扎那噶爾布等渠酋會兵邀歸路連戰不退兆
惠等且守且進適朕所遣圖掄楚等援兵至并力夾
擊賊始解圍遁去我軍全隊迴至巴里坤

以誠馭詐致相輕

阿逆竄跡哈薩克勢將就縛乃以謫計緩師將軍達爾黨阿不審虛實按

兵待獻遂失事會而厄魯特宰桑之從征者既心輕將帥所為因復同謀變亂

哈薩纔迴請變

生戌已駐營攜少卒

時兆惠為副將軍駐兵濟爾哈朗所攜不過偏師鎮守伊犁等處而

已猝值叛賊全集因以少擊衆全軍而出

螳螂怒臂阻前程直何畏曲中宵

出一可當千衆賊驚竟得全師逢接騎整軍後入大功成

庫隴癸之戰

庫隴癸附近伊犁我師三入勦賊時叛黨昂克圖塔爾巴等四宰桑據險藏匿兆惠所率將士纔八十餘人夜進山口鏖戰時曉霧迷漫布庫圖特克爾得克二宰桑脫身逃去其餘悉被斬獲時戊寅三月十六日也

威弧有事射天狼三穴窮追那許藏挺險賊人雖竄竄
擣虛士氣正鷹揚五更直襲屯營寨兩騎先收牧馬羊
兆惠於奪險攻賊時分遣侍衛扎延保投誠厄魯特達什車楞二人收其牧羣以故賊不能脫以少擊
多張撻伐將軍誠勇著旂常

通古思魯克之戰

霍集占兄弟負恩各據城反將軍兆惠既定庫車烏
什等遂直抵葉爾羌薄城南賊衆馬步二萬餘兆惠
所領兵不過三千率以渡黑水河者纔五百騎迎敵

血戰適喀什噶爾賊黨後至我軍遂結營固守經冬涉春己卯正月援兵繼進克敵奏功故繪通古思魯克之戰以紀攻伐葉爾羌回城初交遇險之始事云

兩回首昔困莎車得地忘恩應去聲剪除赤翟蜂屯助白

翟僑如狼顧庇榮如渡河騎卒五百耳背郭賊將二萬

餘守壘竟同援兵進

時副將軍富德奉命領兵在道因命速進赴援而參贊大臣阿里衮

所辦巴里坤馬亦刻期至軍營遂大敗賊人兆惠等全軍已出然計我師掘壕守險已及百日矣

忠誠

迴憶益欷歔

霍斯庫魯克之戰

逆酋因葉爾羌喀什噶爾既破失其巢窟悉衆逃竄
叅贊大臣公明瑞於閏六月十五日選兵邀截偵知
兩酋暫息塞爾古勒是地為去拔達克山安集延兩
處之要路時二酋欲赴拔達克山而賊之衆伯克悉
力窮追至霍斯庫魯克賊避其輜重婦子以六千人
登山成列我軍先至者九百騎即奮勇仰攻轉戰三
時斬馘數百俘其男婦駝馬賊遂轉向拔達克山一

路而逃明瑞仍督兵追躡後會副將軍富德等軍有
阿爾楚爾伊西洱庫爾淖爾等處之戰

回城既定進追兇雙耳山前竄跡逢

回語霍斯庫魯克者華言雙耳也

賊已六千橫據嶺兵纔九百仰攻峯遮回安集延逃路
直躡拔達平聲山去踪將卒同心奮敵愾千秋國史勒勲
庸

阿爾楚爾之戰

二酋於霍斯庫魯克為明瑞所創懼我師勇銳難當

設伏於阿爾楚爾兩山峯頂以待我師時富德明瑞等軍皆合諸大臣集議衆寡相殊彼又先據險要非整旅結陣難出萬全因以健銳營火器當其中堅更張兩翼設奇兵統計以三千人之衆克敵致果所傷者一卒殺賊至千餘人陣斬其大伯克數十始披靡逃竄急追躡之遂及之於伊西洱庫爾淖爾

霍斯庫魯遁餘魂合旅窮追至水源蕃部勤王隨契苾

時布魯特皆
隨軍為嚮道

旗軍勵志定堅昆蚩尤所恃依重險風后

宛同握八門健銳營兵精火器雪山倏作陸渾原

伊西洱庫爾淖爾之戰

我師乘勝追賊七月十一日抵伊西洱庫爾賊復據
山阻水北地山高石危淖爾緣邊僅容單騎大和卓
木波羅泥都先據山嶺為往拔達克山之計小和卓
木霍集占以衆賊阻絕淖爾隘口與我對敵我兵分
布攻擊監轟招降衆賊跳崖丐命阻水者蹂躪淤泥
中霍集占止之不能遂奪馬繞山會其兄遁往拔達

克山我軍直壓其境索取賊魁自是之後兵不血刃
矣

三交三勝武貌雄

霍斯庫魯克阿爾楚爾及
北凡三戰皆以少勝衆

黠鼠徒嗟

五技窮一綫沿溪進魚貫千尋列嶂突蠱叢遊魂釜底
雖潛脫馳檄天邊竟定功歲事追思臨事慎持盈永以
勵深哀

欽定皇輿西域圖志卷首三

欽定四庫全書

欽定皇輿西域圖志卷首四目錄

天章四

紫光閣五十功臣像贊

有序

附
奉

勅恭撰紫光閣次五十功臣像贊

并跋

欽定皇興西域圖志卷首四目錄

欽定四庫全書

欽定皇輿西域圖志卷首四

天章四

紫光閣五十功臣像贊

有序

西師之役賴

天佑乘時運資衆力拮据擘畫幸底厥績固非予一人所
敢逆料敢期必也然稍可以謝衆論愜深衷者無他
則以賞罰信而應機速耳語曰日中必昃操刀必割

言應機宜速也書曰罪疑惟輕功疑惟重言賞罰宜信也機之來發於無窮之源而應以萬變之極蓋難言之若夫信賞罰似非難事而亦有所難者則以不能因物付物有所容心於其間耳且罪疑而後從輕若不疑而亦從輕則偷生者何懼焉功不疑而從重其理固當然涉疑而屢從重則冒賞者生心而真功反有向隅者矣是知疑不可也夫不疑而功惟真功賞斯重焉罪惟真罪罰斯必焉則捨命灰軀冒矢石

投鋒鏑之倫孰不勸以懲乎茲者事定功成寫諸功臣
像於紫光閣朕親御丹鉛各系以贊不過譽不尚藻
惟就諸臣實事錄之並闡其義如右雲臺二十有八
凌煙閣二十有四而此五十人者則以國家中外一
統宣力者衆然此猶舉其尤赫者若夫斬將塞旗建
一績致一命者亦不忍其泯滅無聞將亦圖其形而
命儒臣綴辭焉

大學士一等忠勇公傅恒

世胄元臣與國休戚早年金川亦建殊績定策西師惟汝予同懌侯不戰宜居首功

定邊將軍一等武毅謀勇公戶部尚書兆惠

濟爾哈朗喀喇烏蘇兩番襲迫均保無虞以智濟險以誠感衆卓哉崇勲闢我提封

原定北將軍一等誠勇公兵部尚書班第

元戎率師平定伊犁而何阿逆叛亂乘危變出不期投軀西漠故里櫬歸痛哉酌酌

原靖逆將軍三等義烈公工部尚書納穆扎爾
我懷賢勞命將往代正值黑水猖獗鼠輩以二百衆陷
萬賊中因緣狗節勇濟以忠

定邊右副將軍親王品級超勇郡王策布登扎布
拍馬彎弓無敵所向不曾讀書如古名將和洛霍斯少
勝衆彼超勇親王額駙之子

定邊右副將軍一等靖遠誠勇侯理藩院尚書富
德

古云福將信有其言所遇均吉勇冠軍門不寧一勇兼
善於謀吉林拔萃特賜封侯

原定遠右副將軍二等超勇伯內大臣薩拉爾
彼中宰桑識時早歸副帥以往克贊戎機拔身戰出不
忘本朝云胡不死責備則澆

原大學士三等忠勤伯陝甘總督黃廷桂

外任封疆內司綸綍俾理儲胥經權弗紕殫誠盡智事
協予心未同凱宴痛惜曷任

參贊大臣和碩親王固倫額駙色布騰巴爾珠爾
惟科爾沁世連姻戚魯館承訓王庭宣力參贊軍務賊
營夜侵中創弗退嘉乃忠心

參贊大臣固山貝子扎拉豐阿

準夷之叛奉命在道賊遮中途屢戰不撓其志既篤其
材亦英蓋自髫年教養禁廷

參贊大臣扎薩克多羅郡王羅卜藏多爾濟

渭陽所出扎薩穎材命帥本部宣力龍堆及愛隆阿單

騎見虜降哈薩克厥功甚鉅

參贊大臣多羅郡王額敏和卓

土魯番族早年歸正命贊軍務以識回性知無不言言無不宜其心匪石不可轉移

參贊大臣工部尚書舒赫德

屢受重寄亦屢左遷屬厥意懦策厥材賢白衣白水聞黑水信安衆進援爵秩重晉

參贊大臣一等果毅公兵部尚書阿里衮

富德入援次呼爾璫趙行戈壁馬不進焉以馬濟軍敵
行夜襲同事建績曰鄂博什

原叅贊大臣三等襄勤伯總督鄂容安

世臣知書料善論兵惜弗通語遂弗燭情變起倉卒力
戰命畢用違其材實予之失

參贊大臣一等承恩毅勇公戶部侍郎副都統明

瑞

椒室懿親年少志雄謂可造就俾學從戎獨出獨入既

忠且壯屢立宏勲愜予所望

參贊大臣工部侍郎副都統阿桂

阿克敦子性頗捷敏力請從戎宜哉惟允身不勝衣心可干城楚材繼出為國之楨

原參贊大臣三等子戶部侍郎副都統三泰

率二百人共詣軍營臨敵而退寧謂忠誠如早聞信何致殞身不前不後失二賢臣

原參贊大臣前鋒統領騎都尉又一雲騎尉鄂安

其兄徇節其弟忍使欲報兄讎固請不已黑水之挫復以捐身超雪前罪賞延後昆

領隊大臣內大臣博爾奔察

矍鑠請行索倫巨擘挽五石弓尚能殺賊如鷙之擊不留飛鳥馬援來歸殊恩榮老

原領隊大臣安西提督總兵官豆斌

宿將行間久矣宣力所董綠營遵其律則隊中獨喪是有命焉裏創慰衆益厘哀憐

原領隊大臣甘肅提督總兵官高天喜

爪牙之將用不拘資感予特達効命何辭百戰百進義
弗旋踵怒則面赤是謂血勇

領隊大臣副都統塔什巴圖魯端濟布

將軍黑水先衆徑渡固營待軍實端濟布衆寡稍挫倉
卒周防奪回人馬勇且謀長

領隊大臣護軍統領愛隆阿

將門傑種拍張撫髀受將軍檄力戰全歸整師再進賈

勇陷堅弟巴靈阿盡節軀捐

領隊大臣前鋒統領墨爾根巴圖魯瑪瑞

侍衛從征奇功屢立雖賊萬衆單騎直入陷陣馬仆距躍彎弓賊人咋舌稱天上雄

領隊大臣內大臣副都統巴圖魯濟爾噶爾

都爾伯特部中傑驍嘉其心直授職本朝凡與交戰義弗返顧師濟和闡不孤恩遇

散秩大臣穆爾德木圖巴圖魯齊凌扎布

旗籍蒙古偏校從軍殺賊則奮鵠入鵠羣與噶布舒分
守和闐保衆集事且有謀焉

散秩大臣哈坦巴圖魯噶布舒

躍馬抨弧先鋒鏖陣入俄羅斯得阿逆信和闐既定論
功策勲衣錦歸籍散秩大臣

副都統噶畢雅圖巴圖魯額爾登額

軍門統事諸務勤宣亦能力戰突將無前入拔達山索
逆回馘曉諭殊方是其偉績

郡王霍集斯

奉元戎檄擒達瓦齊後稍觀望旋迎我師同大軍進被
圍黑水回部望族居之京邸

貝子鄂對

平伊犁時歸順勤王回部傑出其心允良往諭和闐被
圍三月共噶布舒全守卓越

內大臣鄂齊爾

前無堅對後無返思持稍一呼千賊披靡揚揚英氣洗

沈偉身與薩拉爾蓋同部人

散秩大臣喀喇巴圖魯阿玉錫

於格登山賊據險守率廿四人間道襲後諸賊大潰爰
以成功本厄魯特降順効忠

原散秩大臣騎都尉達什策凌

衛拉從征啞啞咤叱額駙受創衛護以出用賜殊恩用
益奮感畢命回城每懷惻慘

副都統鄂博什

索倫營總乙亥出師老而益壯頗識戎機厄魯回部胥聞其名聳身馬上如擊兎鷹

副都統圖布巴圖魯溫布

生不知懼戰不知退亦不受傷銅額鐵背弓可擔水箭如鏊鋒溫侯名布是耶非耶

副都統克特爾克巴圖魯由屯

本射生手狼不暇走以之殺賊如探囊取奇功屢建亦因閱歷世職崇階酬其勞動

原副都統騎都尉又一雲騎尉三格

渾齊全遯疎防降謫從軍贖罪每戰必力黑水殞命豁
罪論功圖象紫光表忠無窮

原頭等侍衛舒布圖鎧巴圖魯奇徹布

包沁之叛千賊一身賜巴圖魯昉乎斯人後復屢戰喪
哈薩克始終於是曷勝悼惜

頭等侍衛博克巴圖魯老格

哈薩錫拉叫訥稱亂趨羊適過以計解難後復從軍屢

戰屢進單馬衝突獅子奮迅

頭等侍衛墨爾根巴圖魯達克塔納

庫車圍攻命守要害偵賊來援周防以待賊卻乃前賊前乃卻引至大隊是鞞是膊

頭等侍衛薩穆坦

厄魯劫運構釁互戕識時拔出致力疆場首被擒選往拔達山譯語曉譬共索馘還

原二等侍衛固濟爾巴圖魯雲騎尉瑞綽爾圖

捉生以出被回所遮衆寡不敵矢盡堪嗟罵賊以死雖死猶生時共事者達什策凌

二等侍衛哈朗圭巴圖魯塔瑪鼐

聞戰則喜無生有死五易馬進終弗却視身不及膽心則乏謀用以衝陣勝五百牛

原二等侍衛哈布台巴圖魯富錫爾

三巴圖魯於中之一要遮色楞忽墮其術不及彎弓白刃揮霍猶斬數人之死弗卻

二等侍衛額爾克巴圖魯海蘭察

烈風掃枯迅其奚難亦賴衆傑摧敵攻堅於塔巴台射
巴雅爾是其偉績勇鮮倫比

原二等侍衛雲騎尉富紹

黑水築柵未畢賊侵蜂屯蟻雜攘攘林林持將軍令意氣
昂藏來往慰衆銃殞堪傷

三等侍衛賽音博勒克巴圖魯扎奇圖

狗盜雞鳴孟嘗不棄竊馬何害用人之際間道達檄首

邊斯人雙雄比肩衝出萬軍

三等侍衛什倫哈什哈巴圖魯阿爾丹察

騎二駿馬縱兩神鶻回如瓦雀伏不敢發共扎奇圖左旋右抽卒致軍信効力獨優

三等侍衛卓里克圖巴圖魯五十保

軍檄再發更掄五英馳驛餘月迅至北京捨身報國不可數算舉其尤者圖形作贊

附
奉

勅恭撰紫光閣次五十功臣像贊

并跋

叅贊大臣一等誠勇公都統巴祿

準部回城咸惛將種慟父殞賊殺賊逾勇兩世濟美
同上凌烟古稱定遠其何有焉

叅贊大臣杭州將軍福祿

戰呼爾瑞險艱戮力建駐和闡亦資部勒出勦贊畫
入晉庸封移鎮武林旌節雍容

原領隊大臣寧夏將軍一等子和起

整旅追亡計擒巴雅肘腋釁成曰維呢嗎一翎歸報
嘆惜如生罪人斯得剋祭於塋

叅贊大臣喀爾喀扎薩克和碩親王桑寨多爾

濟

藩部名王英姿卓鑠繕邊助討匪渝其恪濛瀛冠帶
檄調不煩歸爾屏翰以鑰北門

叅贊大臣喀爾喀扎薩克多羅郡王車木楚克

扎布

朔方蕃衛忠慤夙敦收烏梁海甌脫氣吞更躡叛魁
青滾雜卜五等既崇三遷彌速

原領隊大臣都統滿福

言率新附渠酋是擒而何汙裸鼠首狼心遇伏不撓
穿齟賊輩睠彼陣雲精英豈昧

領隊大臣甘州提督閔相師

薄庫車門石著於額屹不為動觀者舌咋葉羌之役
虛擣亢批雄姿偉幹足鎮關西

領隊大臣哈密郡王品級貝勒玉素富

筠沖望族作蕃伊昔以通回情軍諮是擇六城既納
二豎焉逃其鎮烏什吠不夜嗥

頭等侍衛副都統西朗阿巴圖魯查拉豐阿

手格猛虎曾不色變矧驅羣羊窮回敢面昔巴圖魯
曰丁將軍孫西朗阿克紹前開

領隊大臣副都統瑚爾起

突擒渾齊其氣如虹及降勃律烏幕占風圍解和闐

戰塵大食麾螫而登威著西域

原領隊大臣副都統阿敏道

逆回反噬狂同獍狗往諭變生恥污賊手裂眦唾詈
止水明操阿克蘇河猶聞怒濤

副都統墨爾根巴圖魯伍岱

轉戰朔庭鎧盡蟻蝨射昂可圖組縻尺一拔戟成隊
績著回中摧堅入險積健為雄

副都統觀音保

濟爾哈朗力固噶蘭喀喇烏蘇襲迫復完衆謂神兵
出兩奇厄論據守功兵一賊百

領隊大臣肅州鎮總兵官五福

礮車失衛謫官示懲輜重克全復鎮旌能功於過觀
瑕不瑜匿況同苦甘允率爾職

回部公和闐阿奇木伯克阿什默特

烏什右姓負弩最先偕我虎臣往收和闐風鶴之時
孤城兀守嘉此忠勤俾勸爾後

回部公喀什噶爾阿奇木伯克噶岱默特

身本回族願効前驅軍門再款道梗勿渝出入諸艱
始終一節列爵專城以旌英傑

前鋒叅領特古爾得爾巴圖魯良音太

焚箐轟礮金川著績歷戰西陲每當鋒鏑準夷旣喙
回部斯曠所嚮披靡健銳之英

署叅領額爾克巴圖魯巴岱

搯博羅特賊魁莫逋迨捍和闐獨入其郭墜馬驍騰

裹搶草草猶左右射應絃輒倒

協領布彥圖巴圖魯布爾哈

掉鞅伊犁彎弧洱海入陣拍張不煩厲乃踰溝拔寨
收馘傾臺肯辜纓組擒生始迴

察哈爾總管蘇朱克圖巴圖魯納蘭圖

隨征絕漠戰則請前旋上和門計級系然手奪賊鎗
還以刺賊渾齊之追厥功尤特

原領隊大臣察哈爾總管坤都爾巴圖魯巴寧

阿

見賊輒怒如刺必拔戰布拉齊矢石交戛奮身揮突
竟殞賊中既齎叛首祭以報忠

索倫總管齊達克齊巴圖魯阿爾哈爾沁

背城阻水兼臨斷橋濡泥入坎神力獨超歷事戎行
金創常滿遂由伍卒游階總管

索倫總管哈坦巴圖魯薩壘

重圍趣援銜枚聽令閱五日夜衝鋒彌勁不寧惟是

軍伐夙優招三戎部威兩叛酋

原索倫總管賽沙爾泰巴圖魯扎爾善

黑水一豹躍馬橫戈如入無人格殺獨多詎云力盡
結纓氣倍烏孫大宛屢試功在

索倫佐領克圖爾克巴圖魯諾瑞察

追固爾板戰哈薩克手與賊持縱銜弛勒屢躡屢起
卒俘以還征袍不解創血常殷

頭等侍衛什爾瑪海巴圖魯德爾森保

桓桓虎賁擢雋龍江回湟濟師鞚飛駟屢蹴逆渠
誓作醢醢實副嘉名什爾瑪海

頭等侍衛塔蘇爾海巴圖魯占頗圖

修羅障日恃其有手一矢洞之血及於肘射巴雅爾
能事不虛問所挽弓十四力餘

頭等侍衛固勇巴圖魯伊薩穆

援兵雖來畫塹相望孰騎而呼為告無恙維巴圖魯
偕往趣師其衝賊隊如分水犀

三等侍衛克什克巴圖魯伍克什爾圖

預軍門選聯鑣致書纏頭幾萬翩如入虛達阿克蘊
跣將及膝鉛彈在背至今未出

三等待衛克爾車赫巴圖魯沙津察

誰從間道同緘蠟丸瞋目大叫勢無萬難矢石之交
得路一綫克爾車赫洵稱膽練

三等待衛坤都爾巴圖魯扎敦察

超距長才且戰且走非突圍者乃斬關手待我具五

壯哉此行奚啻同袍蓋心膽并

頭等侍衛丹巴巴圖魯莽喀察

控弦疆場橫朔沙磧還經黑水中流投策逢屯蟻聚
跳盪隻身捉生燒寨勇著索倫

頭等侍衛布哈巴圖魯齊里克齊

行不旋顧戰不待援既征朔漠還使西宛萬里折衝
千夫辟易錫號布哈實惟名覈

頭等侍衛卓里克圖巴圖魯額訥慎

一戰伊犁再呼爾瑞攬身入賊賊營夜翻被刺者三
搶痕斜豎牌以紀功勇猶可賈

原頭等侍衛瑚集圖

以五十人斷河源路七千餘衆莫敢泅渡旣彰嘉績
還送急徵遇賊捐軀悼惜曷勝

原二等侍衛克丑巴圖魯魯寧古禮

羽林材武奮跡巖疆單騎采入捷若探囊花門堞摧
黑水礮奪裹革而還生氣咄咄

原三等侍衛伊德爾巴圖魯奎瑪岱

枕戈幕庭有進無退更隨大帥馳壁往代長蛇封豕
首塗告偵死綏倉猝猶揮短兵

原三等侍衛特通額

絕徼折衝志存幹蠱所向無前不待柝鼓渡河遘險
矢盡於房罵賊以殉嚼齒勿忘

原藍翎侍衛莫寧察

略地湟中嘯聚云火霹靂弦鳴箴無餘筭一間老屋

固壘坐焚崑岡貞玉氣尚干雲

二等侍衛丹巴巴圖魯那木查爾

于思棄甲誰當一隊徑率百人攻其腹背手取回礮
回膽盡寒鐵繡模糊橫捎左鞍

二等侍衛特古思巴圖魯塔尼布

唾手縛賊賊莫能奪引身救人人無不脫西拔達山
北俄羅斯獨來獨往翳特古思

二等侍衛哈什哈巴圖魯瑪格

往來哈薩訖於諸回長身善戰辰韓異才肉薄葉羌
築堡自繕凡三閱月獨當一面

原二等待衛哈什哈巴圖魯達爾漢

濟爾哈朗如蘼生苞提幾步卒突出前茅諭賊捐身
驚呼健者舊隸名蕃達什達瓦

三等侍衛卓克托巴圖魯恩特

初從參贊追奔漠北復從將軍蹶圍西極路逾萬里
時閱百旬洗甲蒲昌餘癥滿身

三等侍衛西爾庫濟巴圖魯伊達木扎布

欣飛之杰凌厲朔陞諭降別部介馬而馳援呼爾瑞
躡伊西洱彼竭我盈么膺魄褫

三等侍衛庫爾察巴圖魯茂漢

北路西川舊勞弗替載進祁連新庸孰逮阿爾泰嶺
瑪那斯河訥可之獲其功實多

三等侍衛舒都拉呼巴圖魯西爾庫爾

龍武健士袴褶從戎戰經十數甲不一衷古亦有言

殺敵致果聞桴躍鞍金瘡未裹

原三等侍衛拜達爾

別將百人往探回窟遇賊輒殲如手捫蝨麀兩晝夜
入圍出圍英姿颯爽仗節一揮

原藍翎侍衛舒倫巴圖魯喀拉

偕拜達爾結隊前鋒射生被遮援絕數重焚柵蹈火
火烈具舉望者矐眙謂目光炬

藍翎侍衛固濟爾巴圖魯伊登古

躡巴雅爾戰不避艱追霍集占抵拔達山顯號克膺
宜固濟爾用厲顏行成勞是紀

臣等伏覩我

皇上懋膺

天貺丕纘

前猷炳

睿哲於先幾攄

神謀於獨斷自相臣將臣下逮什伍兜鍪之士靡不稟

承

方略赴會投時是以歲末五周蕩平準噶爾訖諸回部
豐庸偉伐伊古罕臻暨乎告

廟策勲

上親第其著績尤赫者五十人圖形

紫光閣

御製序贊系之重示褒異其在事宣勤効命有成勞堪
紀者雖功以次及而數亦如之則

勅臣等臚名撫實續為之贊臣等間考漢之雲臺唐之
凌煙閣其事羶薌志乘然所稱建豎非常足副鉅
典者指不多屈其他率參以侍從勛階際會成功
之侶裁取備數數又不越二十餘人而止以視
今日之銘竹帛繪丹青嶽嶽泱泱焜燿後先者詎可
同年語哉

皇上建伊古未有之

大業垂伊古未有之

至文傳信所資義無溢美

臣

等纂言載筆敢有侈矜顧

惟幕府之捷書兵曹之功牒章章具在設以五十
人中分舉一二置古圖畫間不知如何鋪張藻績
以為英竒卓越擅一代之閎規矣夫功以次及者
如是況其著績尤赫者哉況其雄姿輩出奄有百
人者哉旨哉

聖訓有云中外一統宣力者衆臣等跼誦繹思竊謂由
國運之隆始致人才之盛而得人才之盛益以翊

國運之隆嗣時億萬斯年顯融懿燦熙

鴻號於無疆信有徵也臣等輟陋下材叨塵

樞禁茲獲奉

詔賜言綴名簡末無任榮幸無任惶悚臣劉統勲臣劉

綸臣于敏中恭跋

欽定皇輿西域圖志卷首四